

《夷坚志》佚文小辑

赵章超

南宋洪迈所作《夷坚志》，共420卷，明代以来陆续散佚，今所存仅约原书之半。自上个世纪初开始，先后有人对该书进行辑补，其中张元济、何卓辑有二十七卷（见中华书局1981年版新校本《夷坚志》）；康保成有《〈夷坚志〉辑佚九则》，载《文献》1986年第3期；李裕民有《〈夷坚志〉补遗三十则》，载《文献》1990年第4期；王秀惠《〈夷坚志〉佚文辑补》，载《汉学研究》第7卷第1期；李剑国辑有佚文22则和一些片言只语，载《宋代志怪传奇叙录》（南开大学出版社1997年版）及《天津教育学院学报》1992年第2期。但由于该书内容兼具子、史、集三部之特征，导致其散佚面大，辑佚工作并未结束。笔者于近年的宋代文言小说研究中，翻检《琅邪代醉编》、《新编古今奇闻类记》、《博学汇书》、《蜀典》、《輿地纪胜》、《蜀中广记》、《癸辛杂识》、《续名医类案》*诸书，复辑得佚文二十一则如下：

1. 叶文凤

叶文凤，温陵人，登进士第，调官天台簿。途遇生日，于旅馆假寐，梦人请乞（按：疑当作“吃”）麻糍。既觉，闻邻居老妪号哭，问之，妪云：“今日亡儿忌辰，作麻糍祭享，感伤耳。”文凤问其所业，乃曰：“吾儿业儒，读《诗经》，旧文尚有。”叶自思与其子生死日同，《诗经》又同，命取旧稿视之，乃与叶及第程文一字不差，叶因拜妪为前生之母，奉之任所终养。（《琅邪代醉编》卷之十六引《夷坚志》）

2. 徐神翁手巾渡江

徐神翁云游至安福北真观，一日，观门前江水泛涨，翁邀王道士渡江，王固辞。翁伸手巾一条于水面，以足踏手巾而过，王力挽之，翁但云：“钟楼前有少文字以付汝矣。”王亟取之，雷法一宗、印一颗及《告斗书》，王由此行法甚灵。（《新编古今奇闻类记》卷五引《夷坚志》）

3. 雷公田

庐陵之西六十里，有田十五，其形如斧，兄弟议分而左右不等，纷争不已，逆讼之官，越一二年亦无结断。忽一日黑云四起，霹雳一声，而田中如犁画一条，自上而下，每角尺寸甚均，然后兄弟争讼贴息。至今此处名雷公田。（《博学汇书》二编卷之七引《夷坚志》）

4. 菊花仙

成都府学有神曰菊花仙，相传为汉宫女，盖在汉宫饮菊花酒而得仙者，求名者往祈有验。或曰成都汉文翁石室壁间画一妇人，手持菊花，前对一猴，号菊花娘子。大比之岁，士人多乞梦，颇有灵异。（《蜀典》卷二引《夷坚志》，按：此可补中华书局本《夷坚志补》卷第三《菊花仙》）

5. 秦少游

秦少游通判杭州事，见《夷坚已志》边朝华下。（《舆地纪胜》卷二）

6. 尾闾

在仙居县东海中，与海门马筋相直，惟高山可望，其水湍急，陷为大涡者十余，舟楫不敢近，旧传为东海泄水处，详见《夷坚志》。（《舆地纪胜》卷十二）

7. 清潭山

在临海县西二十五里清潭村曹太尉庄畔，有陂广十余里。淳熙十年秋，大水推一山纳陂中，山之大小正与陂等，林木宛然，事见《夷坚志》。（《舆地纪胜》卷十二）

8. 东方山

《夷坚志》云：大冶县山中东方寺，世传曼倩尝读书于此，以是得名。寺后有泉一泓，凡邑人妇女来求嗣者，随愿辄得，故名曰圣泉。（《舆地纪胜》卷三三）

9. 张汉卿

《夷坚志》云：张汉卿者，失其名，淳熙三年秋为兴国军酒官，视事才三月，若有所不乐，取吏部所给印纸历大书《和陶靖节归去来词》，束装径归乡里。（《舆地纪胜》卷三三）

10. 天庆观丹

夷坚辛志云：宣和初，临江军渔者捕鱼于江潭底，深入穴中，见一老人坐石上，其处光明，石上有白合子一，遂往窃取之，以布囊束于腰间，携之出访天庆观羽流许智清，授之白合。智清启视，则大丹粲然，亟封志闻于官。郡守走驿白奏，会方腊乱，敕留丹镇此土。后二年，有广东巡检来求观丹药，拜，手谛玩，乃即掩而吞之。道士惊怖，共执以告郡，方出门，忽失所在。（《舆地纪胜》卷三四）

11. 岳阳醉仙

夷坚辛志云：岳州城内一酒楼，淳熙十四年，有道人来，独饮，已尽三斗，酒家厌之，欲促使去，乃醉睡草上，又起移卧壁间。见者呼众视之，无所见矣。遂命工塑其像，榜为醉仙楼云。（《舆地纪胜》卷六九）

12. 龙护朱砂

汤泉在州东十里，刘光祖有诗，夷坚丙志云：“山中有朱砂，龙守护甚严。”（《舆地纪胜》卷八六）

13. 感应泉

夷坚已志云：邹忠公再谪昭州，江水不可饮，汲于数里外山中，暑月殊以为苦。所居仙宫岭下忽有泉涌，轻泠莹洁，因疏为小池，日得四五斛，遂给用，名曰感应泉。将有北归之命，数日前泉乃涸。旋有人大醉至门，厉声呼曰：“侍郎归矣。”寻求不可见。明日拜命。故

龟山杨中立为公挽词有：“泉甘不出户，客至岂无神”之句，盖指二事也。（《輿地纪胜》卷一〇七）

14. 启运宫

夷坚丙志云：建炎初，虜围西京急，留守孙昭远奉启运宫。神御间道走扬州，后迁于福州，以启运宫为名。（《輿地纪胜》卷一二八）

15. 崇德庙灌口神

夷坚壬志云：元颜亮每一件事，必决于大仙。绍兴辛巳之（按：此疑有脱误），降桂巨笔箕上，令童男女各一人侍于傍，以求诗词，得《望江南》一首曰：“才降意，玄象照离宫。坎女离男金水火，几多铁骑漫英雄，最苦是云中。辽阳惊起老苍龙，四海九州沾惠泽，狼垒影里弄清风，堪作主人公。”亮览之不悦，问：“‘铁骑漫英雄’谓谁邪？”乃书亮字。亮大怒，复问：“汝是谁？”又书“清源真君”四字，盖灌口神王也。（《輿地纪胜》卷一五一）

16. 张开光

夷坚志云：成都章禊居京师，将受盘石宰，遇一道士，问其姓名，曰：“资州盘石县得道观道士张开光也。”禊与之坐，回顾已失之。后果得盘石。禊父督亦言：“某日有道士过我，言任得盘石宰。”视壁间姓名，与京师同。禊到官，访开光，士人云：“拔宅仙去四百年矣。”宅在得道山，去州十五里。（《輿地纪胜》卷一五七）

17. 龙澄鲁得玉印

洪迈《夷坚志》：宣和中，夔人龙澄鲁于府东大瀼水中获玉印，其文非世间篆籀，恍见天神立于傍曰：“此印乃上帝所宝，守护不谨，遂落于此。”俄而不见，澄惧，乃奉印投元处。（《蜀中广记》卷六十九）

18. 保和真人

《夷坚志》：王杞，字昌遇，梓州人，为狱吏。日暮怀金与妻，妻欲试之，值遣婢馈食有失犯，讯婢引伏而逐之。将出门，妻言曰：“君为推司，日持钱归我，固疑为锻炼成狱，姑以婢试耳，安有是哉？”杞大

悟,取笔题壁曰:“枷拷推求只为金,转遭冤债几何深。从今不愿为刀笔,放下归来游翠林。”乃弃吏居长平。后遇异人授以仙诀。诗百篇,深契易理。大中十三年九月,举家仙去,郡人即其处祠祀之。雨阳疾疫,随祷辄应。大观二年,赐号保和真人。(《蜀中广记》卷七十六)

19. 灵隐异草

灵隐寺僧得异草,甚大而可爱,献之杨郡王。王以其异,遂进之上方,既而复赐灵隐。适贮草之器有余沥,一犬过而舐之,跳跃而死,方知其异而弃之。(《癸辛杂识》前集引《夷坚志》)

20. 狐治蛊毒

有病蛊者梦一道人示颂云:“似犬非犬,似猫非猫,烹而食之,其病自消。”按,《白氏六帖》云:“青邱狐,食之令人不蛊。”又《本草》孟诜云:“狐补虚,又主五脏邪气,蛊毒发寒。”(《续名医类案》卷十八引《夷坚志》)

21. 治肿药方

丹溪治一妇,夜间发热,面先肿,次及肚足,渴思冷水,用麻黄、葛根、川芎、苍白术、木通、腹皮、扈子、甘草愈。一人秋冬患肿,午前上甚,午后下甚,口渴乏力,脉涩弱,食减。此气怯,汗不能自出,郁而为痰,遂炙肺。俞大权合谷分水,用葛根、苏叶、白术、木通、海金沙、大腹皮、茯苓皮、厚朴、陈皮、黄芩、甘草,渐愈。(《续名医类案》卷十八引《夷坚志》)

* 各书版本:《輿地纪胜》、《蜀典》为上海古籍出版社《续修四库全书》本;《续名医类案》、《蜀中广记》为台湾商务印书馆《四库全书》本;《琅邪代醉编》、《博学汇书》、《新编古今奇闻类记》为齐鲁书社1994年《四库全书存目丛书》本;《癸辛杂识》为中华书局1988年版。

作者工作单位:西南师范大学文学院